



Broj: 02-04-309/23-AP-3
Datum: 21.02.2023. godine

GRADSKO VIJEĆE ZAVIDOVIĆI
n/r PREDSEDAVAJUĆEM GRADSKOG VIJEĆA
(po ovlaštenju Gradskog vijeća)
broj: 01-04-3088/22-AP-6 od 29.12.2022. godine
Šemsudin Skejić, dipl. ing. maš.

PREDMET: Odgovori na vijećnička pitanja sa 10. sjednice Gradskog vijeća Zavidovići održane 31.01.2023. godine, dostavljaju se

Povodom vijećničkih pitanja postavljenih na 10. sjednici Gradskog vijeća Zavidovići održanoj 31.01.2023. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA LATIFOVIĆ RAMIZA

Vijećnik Latifović Ramiz: Koliko je sredstava u 2022. godini isplaćeno parlamentarnim strankama iz Budžeta Grada Zavidovići i koliko sredstava je planirano isplatiti u 2023. godini. Molim pregled uplata po svakoj parlamentarnoj stranci pojedinačno u pisanoj formi za 2022. godinu.

Odgovor na vijećničko pitanje (Odgovor je sačinjen na osnovu akta Službe za upravu finansija, budžet i trezor, broj: 05-45-12/23-AP-40 od 15.02.2023. godine): U 2022. godini iz Budžeta Grada, isplaćen je parlamentarnim strankama iznos od 69.600,00 KM, a Budžetom Grada Zavidovići za 2023. godinu, planirano je isplatiti parlamentarnim strankama, također, iznos od 69.600,00 KM.

Pregled uplata po svakoj parlamentarnoj stranci pojedinačno u Budžetu Grada Zavidovići za 2022. godinu:

Transfer parlamentarnim grupama -SDA	14.439,96
Transfer parlamentarnim grupama -PDA	3.759,96
Transfer parlamentarnim grupama - SDP	15.879,96
Transfer parlamentarnim grupama - Stranka za BiH	5.200,32
Transfer parlamentarnim grupama - Stranka penzionera / umirovljenika	3.759,96
Transfer parlamentarnim grupama - Savez za bolju budućnost	5.199,96
Transfer parlamentarnim grupama - Građanska demokratska stranka	5.199,96
Transfer parlamentarnim grupama - A-SDA	6.639,96
Transfer parlamentarnim grupama - NBL	9.519,96
	<hr/>
	69.600,00

2. VIJEĆNIČKO PITANJE VIJEĆNIKA SKEJIĆ SAMIRA

Vijećnik Skejić Samir: Na osnovu člana 166. i 167. Poslovnika o radu Gradskog vijeća Zavidovići (novi prečišćeni tekst) Službeni glasnik Grada Zavidovići br.: 7/2022, a u vezi sa članom 43. i 45. Zakona o principima lokalne samouprave u FBiH, članom 99. Statuta općine Zavidovići i članom 109. Poslovnika o radu gradskog vijeća Zavidovići Kolegiju podnosim sledeće:

Vijećničko pitanje:

Zašto Kolegij krši i ne posluje i derogira Zakonske Statutarne i poslovničke odredbe koje jasno propisuju da je vijeće dužno razmatrati građanske inicijative u roku od 60 dana.

Konkretno pitanje glasi zašto Kolegiji gradskog vijeća Zavidovići nije stavio i stavljao na dnevni red sjednica gradskog vijeća Zavidovići Inicijative Jedinственог udruženja demobilisanih boraca 92-95 Zavidovići (JUDB ZAVIDOVIĆI) koje su podnošene:

Inicijativa (od 01.08.2022. godine broj: 312/2022),

Inicijativa (od: 26.10.2022. godine broj: 345/2022-SU-1),

Inicijativa (od: 05.12.2022. godine broj: 353/2022-SU-8),

Inicijativa (od: 07.12.2022. godine broj: 355/2022-SU-9).

Molim da mi date pismeni odgovor i da na prvu naredu sjednicu vijeća uvrstite na dnevni red navedene inicijative te da se vijeće izjasni o istim.

NAPOMENA: Vijećnici u Kolegiju i Vijeću su dali svečanu izjavu da će poštovati Ustav, Zakone, Statut i građanska prava i slobode.

S poštovanjem.

Odgovor na vijećničko pitanje: Nadležna Služba nije dostavila odgovor na vijećničko pitanje.

3. VIJEĆNIČKO PITANJE VIJEĆNIKA HODŽIĆ HARISA

Vijećnik Hodžić Haris: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: N.N. građanin naše lokalne samouprave postavio je sljedeće vijećničko pitanje koje prenosim u cjelosti i zahtijevam odgovor na isto:

„Poštovani, ne znam koliko ste upoznati sa problemom parkinga koji imaju građani u užoj gradskoj jezgri, konkretno stanari zgrade od glavne raskrsnice do fontane, do planike?

Iako godinama imamo problem sa nedostatkom parking mjesta, i umjesto da se rješava taj problem, u zadnje vrijeme se pravi još veći problem davanjem parking mjesta taksistima. Koliko sam upoznat, prije 2-3 godine je bila odluka na vijeću da se obilježe TAXI mjesta, čime su taksisti dobili dodatna mjesta ispred „Zavidovićanke“ i ispred gradske pijace (preko puta Kineske radnje). Međutim, bez bilo kakve odluke, taksisti su ispred Kineske radnje, pored odobrena 3 mjesta, nedavno obilježili još 2 mjesta. S obizorm da su parking mjesta za taxi duži nego obični parkinzi, to znači da su stanari nelegalno ostali bez dodatna 3-4 parking mjesta.

Drugi problem je zatvaranje prilaza na parking u dvorište između zgrada, iza Planike do Lutrije. Nedavno je zatvoren izlaz iz navedenog dvorišta prema ASA banci a ostala dva ulaza

često budu blokirana vozilima. Nedavno vozilo hitne pomoći nije moglo prići zgradi, a ne daj Bože požara ili nekog hitnog slučaja...

Nadam se da ćete, ako ništa drugo, makar upoznati nadležne službe sa problemima ili eventualno tražiti odgovore na sjednici Gradskog vijeća.“

Od nadlženih zahtijevam jasne odgovore u pisanoj formi kao i eventualne aktivnosti koje se planiranju poduzeti u narednom periodu kako bi riješili ovu problematiku.

Vijećničko pitanje upućuje se nadležnoj općinskoj službi.

S poštovanjem,

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-57/23 od 16.02.2023. godine): Shodno Odluci o bezbjednosti i organizaciji saobraćaja na cestama općine Zavidovići („Službeni glasnik Općine Zavidovići“, broj: 10/21), navedena parkirališta spadaju u opšta, javna parkirališta i ni na koji način ne pripadaju stanarima okolnih zgrada.

Postupak rasporeda taksivozača na taksistajališta provodi se u skladu sa Pravilnikom o broju i razmještanju taksistajališta, broju stajališnih mjesta za taksivozila, kategoriji taksistajališta i ukupnom broju taksivozila („Službeni glasnik Općine Zavidovići“, broj: 1/22).

Članom 5. navedenog Pravilnika određen je ukupan broj rezervisanih prostora za parkiranje koji se koriste kao taksistajališta i to:

- taksistajalište u ulici „Hasana Kjačije Pručaka“ - 3 stajališna mjesta,
- taksistajalište u ulici „Alije Izetbegovića“ kod semafora i zgrade ASA Banke - 7 stajališnih mjesta,
- taksistajalište u ulicu „Gazi Husrev-begova“ - 1 stajališno mjesto,
- taksistajalište u ulici „35. divizije“ - 2 stajališna mjesta,
- taksistajalište u ulici „Safvet-bega Bašagića“ - 2 stajališna mjesta,
- taksistajalište u ulici „Alije Izetbegovića“ od raskrsnice sa ulicom „Prvomajska“ - 3 stajališna mjesta,
- taksistajalište u ulici „Prvomajska“ ispred zgrade tzv. „Žepačka“ - 2 stajališna mjesta,
- taksistajalište u ulici „Stjepana Radića“ ispred objekta stara gradska džamija - 1 stajališno mjesto,
- taksistajalište sa desne strane ulice „Radnička“ od mosta prema Dolini - 1 stajališno mjesto.

Također, povodom zatvaranja prolaza koji se nalazi preko puta ASA banke, Građevinski inspektor je blagovremeno nakon izvršenog uvida na licu mjesta donio rješenje, kojim je naloženo rušenje objekata, kojima je zatvoren prolaz. Na navedeno rješenje investitor je podnio žalbu, te je postupak po žalbi u toku.

4. VIJEĆNIČKO PITANJE VIJEĆNIKA ŠIMŠIĆ IGORA

Vijećnik Šimšić Igor: Na zahtjev građana iznijet ću molbu, zahtjev nadležnim organima gradske uprave za pružanje pomoći u vidu prihvatljivom za grad, stanarima, odnosno vlasnicima etažnih stanova koji su nemilim događajem u ulici 15. Septembar zapaljenjem stana u zgradi kolektivnog stanovanja usljed događaja ostali bez svojih stambenih jedinica, odnosno iste su devastirane i oštećene i neuslovne za stanovanje. Na njihov zahtjev ovo možete smatrati

kao pitanje, molbu ili inicijaciju ako postoji kakva mogućnost u vidu prihvatljivog za Grad da se tim istim pomogne. Mi imamo neke stvari transferisane u našem budžetu koje se tiču sufinansiranja, rekonstrukcije, odnosno održavanja pojedinih zgrada, odnosno objekata vlasika etažnih stanova, pa eto molim da pokažemo neki senzibilitet i empatiju prema ovim ljudima. Hvala.

Odgovor na vijećničko pitanje (Odgovor je sačinjen na osnovu akta Službe za upravu upravu civilne zaštite, broj: 07-45-20-56/23 od 20.02.2023. godine): Služba za upravu civilne zaštite nema u Budžetu predviđenih sredstava za pomoć u sanaciji šteta na privatnim stambenim objektima, odnosno za sanaciju krovova privatnih objekata uništenih požarom. Također u Budžetu Grada Zavidovići za 2023. godinu ne postoji transfer za sufinansiranje, rekonstrukcije odnosno održavanje zgrada, odnosno objekata vlasnika etažnih stanova, kako je to navedeno u pitanju.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: _____
(Nermin Čahtarević)